

全上古三代秦漢三國六朝文

全齊文卷七

烏程嚴可均校輯

竟陵王子良

子良字雲英武帝第二子昇明中授監朔將軍歷邵陵王左軍參軍轉主簿安南記室參軍遷安南長史再遷輔國將軍會稽太守高帝受禪封聞喜縣公尋爲征虜將軍丹楊尹武帝卽位封竟陵郡王歷鎮北將軍南徐州刺史徙侍中征北將軍南兗州刺史入爲護軍將軍兼司徒進號車騎將軍正司徒領尚書令徙揚州刺史加中書監鬱林王卽位進太傅督南徐州薨謚文宣王有集四十卷

梧桐賦

植椅桐於廣園嗟倏忽而成林依層楹而吐秀臨平臺而結陰乃抽葉於露始亦結實於星沈聳輕條而麗景涵清風而散音發雅

詠於悠昔，流素賞之在今。必鸞鳳而後集，何燕雀之能臨。匪伊楚

宮側，豈獨嶧山岑。邈蒿萊之難儷，永配道於仙琴。

初學記二十八

請停臺使檢課表

前臺使督通切調恆聞，相望於道。及臣至郡，亦殊不疎。凡此輩使，人既非詳慎勤順，或貪險崎嶇，要求此役，朝辭禁門，情態卽異。暮宿村縣，威福便行。但令朱鼓裁完，鉞槩微具，顧眄左右，叱咤自專。樞宗斷族，排輕斥重，齎過津隸，恐喝傳郵，破岡水逆，商旅半引。逼令到下，先過已船。浙江風猛，公私畏渡，脫舫在前，驅令俱發。呵蹙行民，固其常理，侮折守宰，出變無窮。既瞻郭望境，便飛下嚴符，但稱行臺，未顯所督。先訶疆寺，卻攝羣曹，開亭正儉，便振荆革。其次絳標寸紙，一日數至，徵村切里，俄刻十催。四鄉所召，莫辨枉直。孩老士庶，具令付獄，或尺布之逋，曲以當匹。百錢餘稅，且增爲千。或誑應質作尙方，寄繫東冶，萬姓駭迫，人不自固。遂漂衣敗力，競致

兼漿飽今夕酒諧肉飲卽許附中赦格明日禮輕貨薄便復不入
恩科。筐貢微闕。垂撻肆情。風塵毀謗。隨忿而發。及其他蒜轉積。鷺
粟漸盈。遠則分驚他境。近則託質吏民。反請郡邑助民。由緩回刺。
言臺推信。在所如聞。頃者令長守牧。離此每實。非復近歲。愚謂凡
諸檢課。宜停遣使。密畿州郡。則指賜敕。邇外鎮宰。明下條源。既各
奉別旨。人競自罄。雖復臺使盈湊。會取正屬。所徒相疑。價反更淹。
懈。凡預衣冠。荷恩盛世。多已闇緩。貽譽少爲欺猾。入罪若類。已宰
牧乖政。則觸事難委。不容課逋。上網偏覺。非才。但賒促差降。各限
一期。如乃事速應緩。自依違糾坐之。坐之之科。不必須重。但令必
行。期在可肅。且兩裝之船。充擬千緒。三坊寡役。呼訂萬計。每一事
之發。彌晨方辦。粗計近遠。率遣一部。職散人領。無減二十。舟船所
資。皆復稱是。長江萬里。費固倍之。較略一年。脫得省者。息船優役。
實爲不少。兼折姦減竊。遠近暫安。

南齊書竟陵王子良傳又略見通典四

脩治塘邊表

京尹雖居都邑而境壤兼跨廣袤周輪幾將千里滎原抱隰其處甚多舊遏古塘非唯一所而民貧業廢地利久蕪近啟遣五官殷瀾典籤劉僧瑗到諸縣循履得丹陽溧陽永世等四縣解並村者辭列堪墾之田合計荒熟有八千五百五十四頃脩治塘邊可用十一萬八千餘夫一春就功便可成立

南齊書竟陵王子良傳

上謚言表

臣聞明臺旣闢承雲之歌闐闐室爰啟南風之頌流莫非降道燁輝紆靈浸澤陛下凝慶協圖席昌屬祿乾臨冬暖海鏡春亭選議鈞俗觀風調紀垂聽革之典降聆金之訓用能詩史無輟工頌有聞是故置四輔立七諫正國度箴王闕臣謂當今宜崇諫司專事昭塞職蹈謇諤績宣王文則優其寵秩厚其節禮庶獻蠲之美方高聖代至乃靡衣媮食留宇雕墉商貨浮侈田萊蕪替械僕爽流

標梅失序，勉民觀俗之宜，設官立事之要，隨闕興規，衮廢能補，如此，則壤詠無遺，轅樂可追。

藝文類聚

二十四

錢法表

頃錢貴物賤，殆欲兼倍。凡在觸類，莫不如茲。稼穡艱劬，斛直數十，橫杼勤苦，疋纔三百。所以然者，實亦有由。年常歲調，既有定期，備卹所上，咸是見直。東閔錢多翦鑿，鮮復完者。公家所受，必須圓大，以兩代一，困於無所。鞭筆實繁，益致無聊。

通典九

陳時政密啟

臣思水潦成患，良田沃壤，變爲汙澤。農政告祥，因高肆務，播植既周，繼以旱虐，黔庶呼嗟，相視襁氣。夫國資於民，民資於食，匪食匪民，何以能政？臣每一念此，寢不便席。本始中，郡國大旱，宣帝下詔，除民租。今聞所在，逋餘尙多，守宰嚴期，兼夜課切，新稅力尙無從，故調於何取給？政當相驅爲盜耳。愚謂逋租，宜皆原除，少降停恩。

微紓民命。自宋道無章。王風陵替。竊官假號。駢門連室。今左民所
檢。動以萬數。漸漬之來。非復始適。一朝洗正。理致沸騰。小人之心。
罔思前恩。董之曰威。反怨後罰。獸窮則觸。事在匪輕。齊有天下。日
浸。恩洽未布一方。或飢當加優養。愚謂自可依源削除。未宜便充
畏役。且部曹檢校。誠存精密。令史奸黠。鮮不容情。情既有私。理或
枉謬。耳目可限。羣狡無極。變易是非。居然可見。詳而後取。於事未
遽。明詔深矜獄圜。恩文累墜。今科網嚴重。稱爲峻察。負罪離讐。充
積牢戶。暑時鬱蒸。加以金鐵聚憂之氣。足感天和。民之多恐。非國
福矣。頃土木之務。甚爲殷廣。雖役未及民。勤費已積。災旱致災。或
由於此。皇明載遠。書軌未一。錄淮帶江。數州地耳。以魏方漢。猶一
郡之譬。以今比古。復爲遠矣。何得不愛其民。緩其政。救其危。存其
命。湘區奧密。蠻寇熾疆。如聞南師。未能挫戮。百姓齊民。積年塗炭。
疽食侵淫。邊虞方重。交州賈絕。一垂。實惟荒服。恃遠後賓。固亦恆

事自青德啟運款關受職置之度外不足絀言今縣軍遠伐經途
萬里眾寡事殊客主勢異以逸待勞全勝難必又緣道調兵以足
軍力民丁烏合事乖習銳廣州積歲無年越州兵糧素乏加以發
借必致恇擾愚謂叔獻所請不宜聽從取亂侮亡更俟後會雖緩
歲月必有可禽之理差息發動費役之勞劉楷見甲以助湘中威
力既舉蟻寇自服

南齊書竟陵王太子良傳

又啟

臣一月入朝六登文陛廣殿稠人裁奉顏色縱有所懷豈敢自達
比天書亟見地孽亟臻民下妖訛好生噂喏穀憤雖和比室飢嘆
縑纈雖賤駢門裸質臣一念此每入心骨三吳奧區地惟河輔百
度所資罕不自出宜在蠲優使其全富而守宰相繼務在復尅圍
桑品屋以准貲課致令斬樹發瓦以充重賦破民財產要利一時
東郡使民年無常限在所相承准令上直每至州臺使命切求縣

急應充徭役。必由窮困。乃有畏失嚴期。自殘軀命。亦有所絕手足。以避徭役。生育弗起。殆爲恆事。守長不務先富民。而唯言益國。豈有民貧於下。而國富於上邪。又泉鑄歲遠。類多翦鑿。江東大錢。十不一在。公家所受。必須輪郭完全。遂買本一千。加子七百。猶求請無地。捶革相驅。尋完者爲用。既不兼兩。回復遷貿。會非委積。徒令小民每嬰困苦。且錢帛相半。爲制永久。或聞長宰。須令輪直。進運舊科。退容姦利。八屬近縣。既在京畿。發借徵調。是煩他邑。民特尤貧。連年失稔。草衣藿食。稍有流亡。今農政就興。宜蒙賑給。若逋課未上。許以申原。究豫二藩。雖曰舊鎮。往屬兵虞。異兼鄉土。密邇宸庭。下無安志。編草結菴。不遑涼暄。扶淮聚落。靡有生向。俱稟人靈。獨絕溫飽。而賦斂多少。向均沃壤。謂凡在荒民。應加蠲減。又司市之要。自昔所難。頃來此役。不由才舉。並條其重貲。許以賈衡。前人增估。求俠後人。加稅請代。如此輪回。終何紀極。兼復交關津要。共

相脣齒。恩野未闕。必加陵誑。罪無大小。橫沒貲載。凡求試穀帛類。非廉謹。未解在事。所以開容。夫獄訟惟平。畫一在制。雖恩家得罪。必宜申憲。鼎姓貽讐。最合從網。若罰典惟加賤下。辟書必蠲世族。懼非先王立禮之本。尙書列曹。上應乾象。如聞命議所出。先諮於都。都既下意。然後付郎。謹寫關行。愚謂郎官尤宜推擇。宋運告終。戎車屢駕。寄名軍牒。動竊數等。故非分充朝。資奉殷積。廣越邦宰。梁益郡邑。參差調補。實允事機。且此徒冗雜。罕遵王憲。嚴加廉視。隨違彈斥。一二年間。可減大半。南齊書竟陵王子良傳又略見南史四十四通典五

又啟

伏尋三吳內地。國之關輔。百度所資。民庶彫流。日有困殆。蠶農罕獲。饑寒尤甚。富者稍增其饒。貧者轉鍾其弊。可爲痛心。難以辭盡。頃錢貴物賤。殆欲兼倍。凡在觸類。莫不如茲。稼穡難劬。斛直數倍。今機杼勤苦。匹裁三百。所以然者。實亦有由。年常歲調。既有定期。

僅卹所上咸是見直民間錢多翦鑿鮮復完者公家所受必須買大以兩代一困於所貿鞭捶質繫益致無聊臣昔忝會稽粗閑物俗塘丁所上本不入官良由陂湖宜壅橋路須通均夫訂直民自爲用若甲分毀壞則年一脩改若乙限堅完則終歲無役今郡通課此直悉以還臺租賦之外更生一調致令塘路崩蕪湖源泄散害民損政實此爲劇建元初狡虜游魂軍用殷廣浙東五郡丁稅一千乃有質賣妻兒以充此限道路愁窮不可聞見所逋尙多收上事絕臣登具啟聞卽蒙蠲原而此年租課三分逋一明知徒足擾民實自弊國愚謂塘丁一條宜還復舊在所逋卹優量原除凡應用錢不限大小仍令在所折市布帛若民有雜物是軍國所須者聽隨價準直不必一應送錢於公不虧其用在私實荷其渥昔晉氏初遷江左草創絹布所直十倍於今賦調多少因時增減永初中官布一匹直錢一千而民間所輸聽爲九百漸及元嘉物價

轉賤私貨則束直六千

通典作匹直六百

官受則匹准五百所以每欲優

民必為降落今人官好屯匹堪百餘其四民所送猶依舊制苦為

損上今為刻下氓庶空儉豈不由之救民拯弊莫敢減賦時和歲

稔尚爾虛乏儻值水旱寧可熟念且西京熾強實基三輔東都全

固實賴三河歷代所同古今一揆石頭以外裁足自供府州方山

呂東深關朝廷根本夫股肱要重不可不卹宜蒙寬政少加優養

略其目前小利取其長久大益無患民貲不殷國財不阜也宗臣

重寄咸云利國竊如愚管未見可安

南齊書王儉則傳又見通典五又十一

車制啟

臣聞車旗有章載自前史器必依禮服無舛法凡蓋員象天軫方

法地上無二天之儀下設兩蓋之飾求之志錄恐為乖衷又假為

麟首加乎馬頭事不師古鮮或可施

南齊書輿服志永明初加玉輅為重蓋又作麒麟頭采書

以馬首戴之竟陵王子良啟又見通典六十四

諫射雉啟

全宋文卷十

六

鑾輿亟動、天蹕屢巡、陵犯風煙、驅馳野澤、萬乘至重、一羽甚微、從甚微之懼、忽至重之誠、頃郊郭以外、科禁嚴重、匪直芻牧事罷、遂乃窳掩殆廢、且田月向登、桑時告至、士女呼嗟、易生噂議、棄民從欲、理未可安、曩時巡幸、必盡威防、領軍景先、詹事赤斧、堅甲利兵、左右屯衛、今馳驚外野、交待疎闊、晨出晚還、頓遺清道、此實愚臣最所震迫、狡虜玩威、甫獲款關、二漢全富、猶加曲待、如聞使臣頻亦怨望、前會東宮、遂形言色、昔宋氏遣使、舊列階下、劉纘銜使、始登朝殿、今既反命、宜賜優禮、愚謂中堂雲構、實惟峻絕、檐陛深嚴、事隔涼暑、而別爲一室、如或有疑、邊帶廣途、訛言孔熾、毀立之易、過於轉圓、若依舊制、通敞實允、觀聽頃市、司驅扇、租估過刻、吹毛求瑕、廉察相繼、被以小罪、責以重備、愚謂宜敕有司、更詳優格、臣年方朝賢、齒未相及、以管窺天、猶知失得、廟廟之士、豈聞是非、未

聞一人開一說爲陛下憂國家非但而從亦畏威耳臣若不啟陛下於何聞之

南齊書竟陵王子良傳

又諫射雉啟

忽聞外議伏承當更射雉臣下情震越心懷憂悚猶謂疑妄事不必然伏度陛下以信心明照所以傾金寶於禪靈仁愛廣洽得使禽魚養命於江澤豈惟國慶民權乃以翱翔治樂夫衛生保命人獸不殊重軀愛體彼我無異故禮云聞其聲不食其肉見其生不忍其死且萬乘之尊降同匹夫之樂天殺無辜傷仁害福之本菩薩不殺壽命得長施物安樂自無恐怖不惱眾生身無患苦臣見功德有此果報所以日夜勸勒厲身奉法實願聖功康豫若此每至寢夢脫有異見不覺身心立就焦爛陛下常日捨財修福臣私心顒顒尙恨其少豈可今日見此事一損福業追悔便難臣此啟聞私心實切若是大事不可易改亦願陛下照臣此誠曲垂三思

況此嬉遊之閑、非關當否、而動輒傷生、實可深慎。臣聞子孝奉君、臣忠事主、莫不靈祇通感、徵祥證登。臣近段仰啟、賜希受戒、天心洞遠、誠未達勝善之途、而聖恩遲疑、尚未垂履、曲降尊極、豈可今月復隨此事。臣不隱心、卽實上啟。南齊書竟陵王子良傳請加贈像章王巖啟

臣聞春秋所以稱王母弟者、已尊其所重故也。是以禮秩殊品、爵命崇異。在漢則梁王備出警入蹕之儀、在晉則齊王具殊服九命之贈。江左以來、尊親是闕、故致衮章之典、廢而不傳、實由人缺其位、非禮虧省。齊王故事、與今不殊、締構王業、功迹不異、凡有變革、隨時之宜者、政緣恩情、有輕重、德義有厚薄。若事證前規、禮無異則、且梁齊闕令終之美、猶饗褒贈之榮。況故大司馬仁和著於天性、孝悌終於立身、節義表於勤王、寬猛彰於御物、奉上無艱劬之貌、接下無毀傷之容、淡矣止於清貞、無喜愠之色、悠然栖於靜默、

絕馳兢之聲。詩云：靡不有初。鮮克有終。夫終之者，理實爲難。在於
今行，無廢斯德。東平樂於小善，河間悅於詩書，勳績無聞，艱危不
涉，尙致卓爾不羣。英聲萬代，況今協贊皇基，經綸霸始，功業高顯，
清與逾彰。富貴隆重，廉潔彌峻。等古形今，孰類茲美。臣愚忖度，未
有斯例。凡庶族同氣，愛睦尙少，豈有仰觀陛下，垂友于之性，若此
者乎。共起布衣，俱登天貴，生平遊處，何事不同。分甘均味，何珍不
等。未嘗覩貌而天心不懌，見形而聖儀不悅。爰及臨危，捨命親瞻，
喘息萬分之際，沒在聖目，號哭動乎天地，感慟驚乎鬼神。乃至撤
膳移寢，坐泣遷旦，神儀損耗，隔窗改容。奉瞻聖顏，誰不悲悚。歷古
所未聞，記籍所不載。既有若斯之大德，而典服之贈不彰，如其脫
致虧忘，追改爲煩，不令千載之下，物有遺恨。其德不具美者，尙荷
嘉隆之命，況事光先烈者，豈可缺茲盛典。臣恐有識之人，容致其
議。且庶族近代，桓溫庾亮之類，亦降殊命，伏度天心，已當有在。齊南

書豫章
王凝傳

荅張融

此乃是長史美事恐朝廷有常典不得如長史所懷南齊書張欣
時為諸賢令坐罪當死融啟竟
陵王子良乞代欣時死子良荅

荅顧憲之

非君無以聞此德音梁書顧憲之傳竟陵王於宣城臨成定陵三
縣界立屯封山澤數百里禁民樵采憲之固

陳不可
王答

與安陸侯緬書

竊承下風數十年來姑蘇未有此政南史四十一又南齊書安陸
王緬傳緬為吳郡太守大著

風猶竟陵王
子良與緬書

荅王僧虔書

辱告並五紙舉體精雋靈奧執玩反覆不能釋手雖太傅之婉媚
玩好領軍之靜邈荅緒方之蔑如也昔杜度殺字甚安而筆體微

瘦崔瑗筆勢甚快而結字小疎君處二者之間亦猶仲尼方於季
孟也夫工欲善其事必先利其器伯喈非流統體素不妄下筆若
子邑之紙妍妙輝光仲將之墨一點如漆伯英之筆窮神盡意妙
物遠矣邈不可追遂令思挫於弱毫數屈於陋墨言之使人於邑
若三珍尙存四寶斯覲何但尺素信札動見模式將一字徑丈方
寸千言也

張彥遠法書要錄載此誤與王僧虔論書混爲一篇張

懷瓘書斷引子邑之紙至邈不可追人句作竟陵王與

僧虔書今據編入竟陵王集中

與孔中丞稚珪書

覽君書具一二每患浮言之妨正道激烈之傷純和亦已久矣孟
子有云君王無好智君王無好勇勇智之過生乎患禍所遵正當
仁義爲本今因修釋訓始見斯行之所發誓念履行欲卑高同其
美且取解脫之喻不得不小失存其大至於形外之閒自不足及
言眞俗之教其致一耳取之者未達故橫起異同君云積業栖信

便是言行相舛。豈有奉親一毀一敬。而云大孝。未之前聞。夫仁人
之行。非是殘害加其美。廉潔之操。不藉貪竊成其德。如此。則三歸
五戒。豈得一念而可捨。十善八正。寧暫想之可遺。未見輕其本而
能重其末。所謂本既傾矣。而後枝葉從之。今云二途雖異。何得相
順。此言故是見其淺近之談耳。君非不覩經律所辨。何爲偏志一
方。埋沒通路。夫士未嘗離俗施訓。卽世之教。可以知之。若云斯法
空成詭妄。更增疑惑。應當毀滅。就卽因而言。閨門孝悌者。連鄉接
黨。竟有幾人。今可得以無其多。徒諸訓誥經史箴誡。悉可焚之。不
君今遲疑於內教。亦復與此何殊哉。所以歸心勝法者。本不以禮
敬標其心。兢仰祇崇者。不在我故忘物。今之慙慙克己者。政爲
君輩之徒耳。欲令相與去。僑矜除慢傲。節情慾。制貪求。修禮讓。習
謙恭。奉仁義。敦孝弟。課之以博施。廣之以汎愛。賞之以英賢。拔之
以儒異。復何慙於鬼神乎。孜孜策勵。良在於斯。雖未有奉遵。亦意

口說
面作詭妄

不忘之。今未有夜光之投，而按劍已起，欲相望於道德窟，不多愧當繇未見此情，故常信斯心耳。在懷則不然，每苦其不及。司徒之府，本五教是勸，方共敦斯美行，以率無慾，使口說諂佞，望門而自殄，浮僞蕩逸，踐庭而變迹，等彼息心之館，齊此無慾之臺，不亦善乎？一則以仰順宸極，普天之慈；二則敬奉儲皇垂愛之善，宵旦而警惕者，正患此心無遂耳。悠悠之語，好自多端，其云願善政言，未知傷化之重，儻令詭事以忠孝，佞悅以仁義，虛設以禮讓，假枉以方直，乃至一日克己，天下歸仁，況能旬則有餘，所望過矣。本自開心所納，正若此矯不多，如其此煩未廣，故鄙薄深慨。君正應規諫，其乖開發未達，云何言傷孝本，語損義基，於邑有懷，非所望也。若此事可棄，則欣聞餘善，又云未必勸人持戒，當令善絲下發，必如此而弘教者，放勛須四凶革而啟聖，虞舜待商均賢而德明，如斯而遂美，其可望乎？君之此意，則應廣有所折，便當詰堯以土階之

儉嘉離宮之麗貶禹以茅茨之陋崇阿房之貴恥汲黯之正容榮
祝鮀之媚色其餘節義貞信謙恭之德皆當改途而反面復何行
之可修也凡聞於言必察其行觀於行必求於理若理不乖而行
不越者請無造於異端真殊途同歸未必屏然一貫頃亦多有與
君此意同者今寄言此紙情不專一者庸心於疑妄國君普宣示
之略言其懷無見髣髴翰迹易煩中不盡意比見君別更委悉也
夫人心之不同猶若其貌豈其容一而等其智乎鑒有待之參差
足見情靈之乖舛矣一得其志者非言談之所盡一背其途者豈
游說之所翻見君雖復言面委盡而不及此處者良由彼我之見
既異幸可各保其方差無須空構是非橫起謗議耳栖心入信者
前良不無此志今以效善之爲樂故挫橋陵以待物君若以德越
往賢聖逾前脩智超羣類位極人貴者自可逍遙世表以道化物
高其懷無求自足而退於前良恐未能懸絕空乘兩塗獨異勝法

若悠悠相期本不及言意在薄爲復示斯懷耳比面別一二近聊有此釋滯兩卷想於外已當見之今送相示若已覽者付反幸無勞形目脫未視者爲可一慰意本不期他翻正是自釋疑滯耳君見之必當撫掌也

並弘明集十一

荅孔中丞書

君此書甚佳宜廣示諸未達者

弘明集十一

與南郡太守劉景綦書

冬去因君與劉居士書今春得其返价辭趣翩翩足有才藻寶子雲之筆札元瑜之書記伸復咨嗟彌用欽想此子含真抱璞比調雲霞背俗居幽寓歡林嶺養志南荆可與卜寶爭價韜光梵服固同隋照共明雖顏段之栖遲偃仰揚鄭之寂寞恬淡取之若人信可同日而語矣且道性天悠禪心自謐敦悅九部研味三乘在家菩薩行之而不難白衣居士卽之而匪易逝將燭昏龜於慧炬拯

淪溺於法橋。扇靈寧之畱風。鏡貞林之絕影。僕栖尚旣同。情契漸至。而悠悠京苑。間以江山假復。神通遠邇。冥交曉曙。疇得寫析深襟。辨明幽旨。述生滅之中談。究真俗之諦義。故重有別書。招來幾色。居問道之次。具爲敦請。此蘭山桂水。旣足逍遙。儒侶立宗。復多朋往。非以一爵相加。豈其旌蒲爲分。直聞投誠素。庶必能立了。脫悠爾來儀。想時加資遣也。釋藏經四廣引明集十九 案廣弘明集十九有蕭子良與荊州隱士劉蚪書

其篇末云王元長之詞也今編入王融集

致沙門法猷書

遠法師一代名德。志節清高。潛山樹美。四海淪風。弟子闇昧。謬蒙師範。方欲仰稟仁化。用洗煩慮。不謂此疾奄然異世。悲痛之心。特不可忍。遠上卽旣業行圓通。曠劫希有。弟子意不欲遺形影迹。難處眾僧墓中。得別卜餘地。是所願也。方應樹剎表奇。刻石銘德矣。

高僧傳入

寶僚七要

松旣煙而接漢竹綠嶺而負筠。夜過鴻於月曉。悲夜後於霜。男乃
鶴駕之非遠。信羽車之可鄰。鴻池廣象。太液染華。勢含五水。氣疏
九河。旣百尋而照底。亦千丈而分沙。故乘流以神王。或鼓地而目
多。豈能從我。汎此安波。藝文類聚
五十七

行宅詩序

余稟性端疎。屬愛閑外。往歲羈役浙東。備歷江山之美。名都勝境。
極盡登臨。山原石道。步步新情。迴池絕澗。往往舊識。以吟以詠。聊
用述心。

登山望雷居士精舍同沈右衛過劉先生墓下詩序

沛國劉子珪。學優未仕。跡邇心遐。履信體仁。古之遺德。潛舟迅景。
滅質淪輝。言念芳猷。式懷嗟述。屬舍弟隨郡有示來篇。彌積久要
之情。益淡宿草之歎。升望西山。率爾爲答。雖因事雷山。實申悲劉。

子云爾

淨住子序

遺教經云波羅提木义是汝大師若住於世無異我也又云波羅提木义住則我法住波羅提木义滅則我法滅是故眾僧於望海再說禁戒謂之布薩外國云布薩此云淨住亦名長養亦名增進所謂淨住身口意身絜意如戒而住故曰淨住子者紹繼為義以沙門淨身口七支不起諸惡長養增進善提善根如是修習成佛無差則能紹續三世佛種是佛之子故云淨住子廣弘明集二十子有專行本張博刺竟陵王集全載之凡三十一章今不具錄每章有王融頌今編入王融集中案廣弘明集一本無此序

眼銘

惟正是視玄黃匪惑非禮不觀儀形是則慎爾所觀無愆斯德

類聚

十七

耳銘

惟耳是聽仁愛是聞詳察巧言離辭異望無迷邪諂炫惑莫分

文載

類聚十七

口銘

惟口是慎慎乎語笑三箴是戒事重周廟戒之戒之無貽厥誥

文載

類聚十七

魚復侯子響

子響字雲音武帝第四子出嗣豫章王嶷爲輔國將軍南彭城
臨淮二郡太守遷右衛將軍仍出爲冠軍將軍豫州刺史進號
右將軍入爲散騎常侍右衛將軍永明六年遷本封巴陵郡王
遷中護軍出爲江州刺史遷鎮軍將軍荊州刺史有罪賜死改
姓蛸氏貶爲魚復侯

臨死啟

劉寅等入齋檢仗具如前啟臣罪既山海分甘谷鐵奉敕遣胡諧

之茹法亮賜重勞某等至竟無宣旨便建旗入津對城南岸築城
守臣累遣書信喚法亮渡乞白服相見其永不肯羣小懼怖遂致
攻戰此臣之罪也臣此月二十五日束身投軍希還天闕停宅一
月臣自取盡可使齊代無殺子之譏臣免逆父之誅既不遂心今
便命盡臨啟哽塞知復何陳南齊書魚復侯子響傳
臧妃裙帶中啟

輕舫還闕不得此苦之深惟願矜憐無使竹帛齊有反父之子父
有害子之名數紙藏妃王氏裙帶中具自申明

隨郡王子隆

子隆字雲興武帝第八子歷荊州刺史侍中中軍大將軍為明
帝所害有集七卷

山居序

西園多士平臺盛賓鄒馬之客咸在伐木之歌屢陳是用追芳昔

娛神遊千古故亦一時之盛事

賜進士出身二品銜廣東等處提刑按察使司按察使兼管驛傳事務西岡王毓藻校刊

全齊文卷七終

全齊文卷七

附錄三

十四

全齊文卷八

烏程嚴可均校輯

蕭景先

景先本名道先高帝從子仕宋爲海陵王國上軍將軍補建陵令累遷至監朔將軍驍騎將軍武帝撫軍中軍一府司馬兼左衛將軍齊受禪遷太子左衛率封新吳縣伯出爲司州刺史領襄陽太守武帝卽位徵爲侍中領左軍將軍兼領軍將軍轉中領軍進爵爲侯領太子詹事道母喪起爲領軍將軍遷征虜將軍丹楊尹假節督司州卒贈侍中征北將軍南徐州刺史諡曰忠侯

遺言

此度疾病異於前後自省必無起理但夙荷深恩今謬充戎寄聞弱每事不稱上慙慈旨便長違聖世悲哽不知所言可爲作啟事

上謝至尊。粗申愚心。穀雖成長。素闕訓範。貞等幼稚。未有所識。方以仰累聖明。非殘息所能陳謝。自丁荼毒以來。妓妾已多分張。所餘醜猥數人。皆不似事。可以明月佛女。桂支佛兒。玉女美玉上臺。美滿豔華奉東宮。私馬有二十餘匹。牛數頭。可餽好者十匹。牛二頭上臺。馬五匹。牛一頭。奉東宮。大司馬司徒各奉二匹。驃騎鎮軍各奉一匹。應私仗器。亦悉輸臺。六親多未得料理。可隨宜溫卹。微申素意。所賜宅曠大。恐非穀等所居。須喪服竟。可輸還臺。劉家前宅久閒。其貨可合率市之直。若短少。敎官乞足。三處田勤作自足。供衣食。力少更隨宜買。羸猥奴婢充使。不須餘營生。周旋部曲。還都。理應分張。其久舊勞勩者。應料理。隨宜敎聞乞恩。南齊書蕭景先傳

蕭繹

繹字景業。高帝從子。封安陸侯。爲吳郡太守。永明中。歷雍州刺史。卒。贈王。

與衛軍王儉書論庾杲之

盛府元僚實難其選庾景行汎綠水依芙蓉何其麗也

南史庾杲之傳王儉

以庾杲之爲衛將軍長史顧與儉書

蕭穎胄

穎胄高帝從子爲祕書郎遷太子舍人永明三年襲父赤斧爵南豐伯歷竟陵王司徒外兵參軍晉熙王文學除明威將軍安陸內史遷中書郎除左將軍出爲新安太守隆昌初徙南東海太守行南徐州事除黃門郎遷衛尉建武中進爵爲侯遷冠軍長史復爲衛尉出爲後軍長史廣陵太守行南兖州事進南兖州刺史和帝爲荊州以爲西中郎長史南郡太守行荊州事與梁王舉義進相國左長史鎮軍將軍和帝卽位進侍中尙書令領吏部尙書行荊州刺史中興元年卒贈侍中丞相梁天監初追諡曰獻武

遺表

臣疹患數日，不謂便至困篤，氣息綿微，待盡而已。臣雖庸薄，忝籍
葭莖，過受先朝殊常之眷，循寵礪心，誓生以死，屬皇業中否，天地
分崩，總率諸侯，翼奉明聖，賴社稷靈長，大明在運，故兵之所臨，無
思不服。今四海垂平，干戈行戢，方希陪翠華，奉法駕，反東都，觀舊
物，不幸遭疾，奄辭明世，懷此深恨，永結泉壤，竊惟皇業至重，萬機
甚大，登之寶難，守之未易，陛下富於春秋，當遠尋祖宗創業艱難，
殷鑒季末，顛覆厥緒，思所以念始圖終，康此兆庶，征東大將軍臣
衍元勳，上德光贊天下，陛下垂拱仰成，則風流日化，臣雖萬沒，無
所遺恨。

南齊書蕭
穎胄傳

移檄京邑

西中郎府長史都督行留諸軍事右軍將軍南郡太守南豐縣開
國侯蕭穎胄司馬征虜將軍新興太守夏侯詳告京邑百官諸州

郡牧守天運不常。夷有時而陂。數無恆剝。否極則亨。昔商邑中微。彭韋投袂。漢室方昏。虛牟効節。故風聲永樹。卜世長久者也。昔我太祖高皇帝。德施生民。功格天地。仰維彤雲。俯臨紫極。世祖嗣興。增光前業。雲雨之所沾被。日月之所出入。莫不舉踵來王。交臂納貢。鬱林昏迷。顛覆厥序。俾我大齊之祚。翦焉將墜。高宗明皇帝。建道德之盛軌。垂仁義之至蹤。紹二祖之鴻基。繼三五之絕業。昧旦丕顯。不明求衣。故奇士盈朝。異人輻湊。若邁經禮。緯樂之文。定鼎作洛之制。非雲如醴之祥。白質黑章之瑞。諒以則天比大。無德稱焉。而嗣主不綱。窮肆陵暴。十愆畢行。三風咸襲。喪初而無哀貌。在慙而有喜容。酣酒嗜音。罔懲其侮。讒賊狂邪。是與比周。遂令親賢嬰荼毒之誅。宰輔受煎醢之戮。江僕射蕭劉領軍。徐司空沈僕射曹右衛。或外戚懿親。或皇室令德。或時宗民望。或國之虎臣。並勳彰中興。功比周邵。秉鈞贊契。受遺先朝。咸以名重見疑。正直貽弊。

害加黨族虐及嬰孺曾無渭陽追遠之情不顧本枝殲落之痛信
必見疑忠而獲罪百姓業業罔知攸暨崔慧景內逼淫刑外不堪
命驅士崩之民爲免死之計倒戈回刃還指官闕城無完守人有
異圖賴蕭令君勳濟宗祏業拯蒼氓四海蒙一匡之德億兆憑再
造之功江夏王拘迫威強牽制巨力迹屈當時迴心可亮竟不能
內恕探情顯加鳩毒蕭令自以親惟族長任實宗臣至誠苦言朝
夕獻入讒醜交構漸見疏疑浸潤成災奄離怨酷用人之功以靈
社稷刈人之身以騁淫濫台輔旣誅姦小競用梅蟲兒茹法珍妖
忍愚戾窮縱醜惡販鬻王威以爲家勢營惑嗣王恣其妖虐宮女
千餘裸服宣姪孽臣數十袒裼相逐帳飲闐肆之間宵遊街陌之
上提挈羣豎以爲歡笑劉山陽潛受凶旨規肆狂逆天誘其衷卽
就梟剪夫天生蒸民樹之以君使司牧之勿使失性豈有尊臨萬
縣毒遍黔首絕親戚之恩無君臣之義功重者先誅勳高者逆斃

九族內離四夷外叛封境日蹙戎馬交馳帑藏既空百姓已竭不
卹不憂慢遊是好民怨於下天懲於上故災惑襲月孽火燒宮妖
水表災震蝕告咎七廟阽危三才莫紀大懼我四海之命永淪于
地南康殿下體自高宗天挺英懿食葉之徵著於弱年當璧之祥
兆乎綺歲億兆颺颺咸思戴奉且勢居上游任惣戎略家國之否
盪濟是常莫府身備皇宗忝荷顧託憂深責重誓清時難今命冠
軍將軍西中郎諮議領中直兵參軍軍主楊公則盪朔將軍領中
兵參軍軍主王法度冠軍將軍諮議參軍軍主龐勳輔國將軍諮
議參軍領別駕軍主宗夬輔國將軍諮議參軍軍主樂藹等領勁
卒三萬陵波電邁逕造秣陵冠軍將軍領諮議中直兵參軍軍主
蔡道恭輔國將軍中直兵參軍右軍府司馬軍主席闡文輔國將
軍中直兵參軍軍主任漾之盪朔將軍中直兵參軍軍主韓孝仁
盪朔將軍中直兵參軍軍主朱斌中直兵參軍軍主宗冰之建威

將軍中直兵參軍軍王朱景舒、監朔將軍中直兵參軍軍王庾域、
監遠將軍軍王庾略等被甲二萬直指建業、輔國將軍武寧太守
軍王鄧元起、輔國將軍前軍將軍軍王王世興等、鐵騎一萬分邊
白下、征虜將軍領司馬新興太守夏侯詳、監朔將軍諮議參軍軍
主柳忱、監朔將軍領中兵參軍軍主劉孝慶、建威將軍軍主江陵
令江詮等、帥組甲五萬、駱驛繼發、雄劔高麾、則五星從流、長戟遠
指、則雲虹變色、天地爲之禘皇、山淵目之崩沸、莫府親貫甲冑、授
律中權、董帥熊羆之士、十有五萬、征鼓紛沓、雷動荆南、監朔將軍
南康王友蕭穎達、領虎旅三萬、抗威後拒、蕭雍州勳業蓋世、謀猷
淵肅、旣痛家禍、兼憤國難、泣血枕戈、誓雪怨酷、精卒十萬、已出漢
川、張郢州節義慷慨、悉力齊奮、江州邵陵王湘州張行事王司州
皆遠近懸解、不謀而同、並勒驍猛、指景風驅、舟艦魚麗、萬里蓋水、
車騎雲屯、平原霧塞、以同心之士、伐倒戈之眾、盛德之師、救危亡

之國何征而不服何誅而不克哉今兵之所指惟在梅蟲兒茹法珍二人而已諸君德載累世勳著先朝屬無妄之時居中否之運受迫羣豎念有危懼大軍近次當各思奮迹來赴軍門檄到之日有能斬送蟲兒法珍首者封二千戶開國縣侯若迷惑凶黨敢拒命者刑茲無赦戮及宗族賞罰之信有如皦日江水在此余不食言

南齊書蕭顗傳

王琨

琨琅邪臨沂人晉衛將軍薈孫宋永初中除郎中駙馬都尉奉朝請元嘉初爲尚書儀曹郎州治中累遷左軍諮議領錄事出爲宣城太守司徒從事中郎義興太守還爲北中郎長史黃門郎宣朔將軍東陽太守孝建初遷廷尉卿驃騎長史加臨淮太守轉吏部郎出爲廣州刺史還爲廷尉加給事中轉歷陽內史徙東中郎長史遷度支尚書出爲廣陵太守泰始初遷度支尚

書加光祿大夫出爲冠軍將軍吳郡太守遷中領軍加大常及金紫加散騎常侍出爲會稽太守元徽中遷金紫光祿本州中正加特進順帝卽位進右光祿大夫齊受禪領武陵王師加侍中建元四年卒年八十四贈左光祿大夫

請以小息佟襲封從兄華爵表

臣門姪不休從孫長是故右衛將軍華忠肅奉風善及世祀而長負疊承更昏酣業身無檢故衛將軍華忠肅奉風善及世祀而長負疊承封將傾基緒嗣小息佟開立保退不乖素風如蒙拯立則存亡荷榮私祿更構

南齊書王琨傳從兄華孫長襲華爵爲新建侯嗜酒多營失泰始元年琨上表

王逡之

逡之字宣約琨從子仕宋爲江夏王國常侍行大司馬參軍章安令山陽王驃騎參軍兼治書御史安成國郎中吳令昇明末以著作郎兼尙書左丞齊受禪爲國子博士永明中兼著作轉

通直常侍、驍騎將軍、出爲宣朔將軍、南康相、大中光祿大夫、加侍中、

奏劾謝超宗袁象

臣聞行父盡忠、無禮斯疾、農夫去草、見惡必耘、所以振綱請良、登朝著績、未有尸位存私、而能保其榮名者也、今月九日、治書侍御史臣司馬侃啟、彈征北諮議參軍事謝超宗、稱根性昏動、率心險放、悖議爽直、譴辭犯實、親朋忍問、衣冠掩目、輒收付廷尉、法獄治罪、處劾雖重、文辭簡略、事入主書、被却還外、其晚兼御史中丞臣袁象、改奏白簡、始粗詳備、厥初隱衛、實象之由、尋超宗植性險戾、稟行兇詖、豺狼野心、久暴遐邇、張敬兒潛圖反噬、罰未塞讐、而稱怨痛枉、形於言貌、協附姦邪、疑間勳烈、構扇異端、譏議時政、行路同忿、有心咸疾、而阿昧苟容、輕文略奏、又彈事舊體、品第不簡、而疊與殊常者、皆命議親奏、以彰深讐、況超宗罪愈四凶、過窮南竹、

雖下輒收而文止黃案沈浮並見輕重相乖此而不糾憲綱將替
象才識疎淺質幹無聞慙威昇榮因慈荷任不能克己厲情少酬
恩獎撓法容非用申私惠何以糾正邦違式明王度臣等議請以
見事免象所居官解兼御史中丞輒攝曹依舊下禁止視事如故
治書侍御史臣司馬侃雖承稟有由而初無疑執亦合及咎請杖
督五十奪勞百日令史卑微不足申盡股可奉行侃奏彈之始臣
等並即經見加推糾案入主書方被却檢疏謬之誓伏追震悚

宗傳

錫輅議

大輅殷之祭車故不登周輅之名而明堂位云大輅殷輅也注云
大輅木輅也月令中央土乘大輅注云殷輅也禮器大輅繁縷一
就注云大輅殷之祭天車也周禮五路玉路金路象路革路木路
則周之木輅殷之大輅也周革路建大白以卽戎此則戎輅也意

謂國之大事在祀與戎故錫以殷祭天之車與周之卽戎之路祀則以殷戎必以周者明郊天義遠建前代之禮卽戎事近故以今世之制明呈位云魯君孟春乘大輅載十有二旒日月之章祀帝于郊天子以大輅以錫諸侯良有以也今木路卽大路也齊書與服志宋

昇明三年錫齊王大輅戎輅各一乘黃五輅無大輅戎輅左丞王逵之議

王珪之

珪之從弟建元中爲祠部郎中累遷至長水校尉有齊職儀五十卷

喪遇閏議

喪以閏施功衰以下小祥值閏則略而不言今雖厭祥名猶存異於餘服計月爲數屈追慕之心以遠爲遁日旣餘分月非正朔含而全制於情唯允僕射儉議理據詳博謹所附同今司徒淵始雖疑難再經往反未同儉議依舊八座丞郎通共博議爲允以來五

月晦小祥其祥禫自依常限奏御班下内外南齊書禮志下建元三年祠部郎中王珪

之議又見通典一百

王顥

顥珪之子永明中爲中軍參軍

上父珪之齊職儀啟

臣亡父故長水校尉珪之籍素爲基依儒習性以宋元徽二年被
敕使纂集古設官歷代分職凡在墳策必盡詳究是以等級掌司
咸加編錄黜陟遷補該研記述章服之差兼冠佩之飾屬值啟運
軌度惟新故太宰臣淵奉宣敕旨使速洗正刊定未畢臣私門凶
禍不揆庸微謹冒啟上凡五十卷謂之齊職儀仰希永升天閣長
銘祔府南齊書王

王僧虔

僧虔宋左光祿大夫曇首次子元嘉中除祕書郎太子舍人累

遷至尙書令、齊、梁、陳、轉侍中、撫軍將軍、丹楊尹、授左光祿大夫、出爲征南將軍、湘州刺史、武帝卽位、授侍中、左光祿大夫、永明三年卒、贈司空、謚曰簡穆、

書賦

情憑虛而測有、思沿想而圖空、心經於則、目像其容、手以心麾、毫以手從、風搖挺氣、妍嬋深功、爾其隸明敏、婉孌絢、綺趨將、摘文、篋縛、託韻笙簧、儀春等愛、麗景依光、沈若雲鬱、輕若蟬揚、稠必昂萃、約實箕張、垂端整曲、裁邪製方、或具美於片巧、或雙兢於兩傷、形歸靡而多態、氣陵厲其如芒、故其委貌也必妍、獻體也貴壯、跡乘規而騁勢、志循檢而懷放、藝文類聚七十四

樂表

臣聞風雅之作、由來尙矣、大者繫乎興衰、其次者著於率舞、在於心而木石感、鏗鏘奏而國俗移、故鄭相出郊、辯聲知戚、延陵入聘、

觀樂知風是則音不妄起曲豈徒奏哥倡旣設休戚已徵清濁是
均山琴自應斯乃天地之靈和升降之明節今帝道四達禮樂交
通誠非寡陋所敢裁酌伏以三古缺聞六代潛響舞詠與日月偕
湮精靈與風雲俱滅追餘操而長懷撫遺器而太息此則然矣夫
鐘縣之器以雅爲用凱容之制八佾爲體故羽籥擊拊以相諧應
李氏獲誚將在於此今總章舊佾二八之流桂服旣殊曲律亦異
推今校古皎然可知又哥鐘一肆克諧女樂以哥爲稱非雅器也
大明中卽以宮縣合和鞞拂節數雖會慮乖雅體將來知音或議
聖世若謂鐘舞已諧不欲廢罷別立哥鐘以調羽佾止於別宴不
關朝享四縣所奏謹依雅則斯則舊樂前典不墜於地臣昔已制
哥磬猶在樂官具以副鐘配成一部卽義沿理如或可安又今之
清商實猶銅雀魏氏三祖風流可懷京洛相高江左彌重諒以金
縣干戚事絕於斯而情變聽改稍復零落十數年間亡者將半自

頃家競新哇、人尚譌俗、務在嚙危、不顧律紀、流宕無涯、未知所極、排斥典正、崇長煩淫、士有等差、無故不可以去禮、樂有攸序、長幼不可以共聞、故誼醜之製、日盛於塵里、風味之韻、獨盡於衣冠、夫川震社亡、同靈畢戒、哀思靡漫、異世齊驅、咎徵不殊、而欣畏並用、竊所未譬也、方今塵靜畿中、波恬海外、雅頌得所、實在茲辰、臣以爲宜命典司、務勤課習、緝理舊聲、迭相開曉、凡所遺漏、悉使補拾、曲全者祿厚、藝敏者位優、利以勸之、則人思自勸、風以靡之、可不訓自革、反本還源、庶可跂踵、

書王僧虔傳有刪節

宋書樂志一順帝昇明二年尚書令王僧虔上表並言三訓哥又見南齊

請禁上湯殺囚疏

湯本以救疾而實行冤暴、或以肆忿若罪必入重、自有正刑、若去惡宜疾、則應先啟、豈有死生大命、而潛制下邑、愚謂治下囚病、必先刺郡、求職司與醫對共診驗、遠縣家人省視、然後處理、可使死

者不恨生者無怨

南齊書王僧虔傳郡縣欲相承有上賜殺四僧虔上疏言之

辭判二岸雜事啟

臣僧虔啟劉伯寵陶瑾稱敕二岸雜事悉委臣判聖恩罔已獎使入效斯實臣下驅馳至願且職事所司不應多陳雖奉今旨臣豈敢於外下意不先上聞正當罄率管見令官長啟審可否之宜會須恩裁此乃更亂天聽或致煩壅且得仍舊以待能者恐於事體二三惟允伏願少留神照察覽所啟非敢辭務懼塵聖化謹冒輸請伏追震忤謹啟

清化閣帖三

請用謝憲督運啟

臣僧虔啟南臺御史謝憲乃堪驅使臣門義舊粗是所悉統內新故糴米數十萬斛實須督切憲今請假在此臣欲折以統攝庶得速辦其煩經督運已有前效謹以啟聞伏願聽許謹啟

清化閣帖三

爲王瑒乞郡啟

太子舍人王瑀

開十五字

牒在職三載家貧仰希江郢所統小郡

謹牒七月廿四日

關僧虔啟

梅鼎祚文紀引寶章集

荅高帝論書啟

條疏古來能書人名啟

臣僧虔啟昨奉勅須古來能書人名臣所知局狹不辨廣悉輒條疏上呈羊欣所撰錄一卷尋案未得續更呈聞謹啟

秦丞相李斯

秦中車府令趙高

右二人善大篆

秦獄吏程邈善大篆得罪始皇囚於雲陽獄增減大篆體去其繁複始皇善之出爲御史名書曰隸書

扶風曹喜後漢人不知其官善篆隸篆小異李斯見師一時

陳畱蔡邕後漢左中郎將善篆隸采斯喜之法眞定直父碑文猶傳於世篆者師焉

杜陵陳遵後漢人不知其官善篆隸每書一座皆驚時人謂爲陳驚座

上谷王次仲後漢人作八分楷法

師宜官後漢不知何許人何官能爲大字方一丈小字方寸千言
耿球碑是宜官書甚自矜重或空至酒家先書其壁觀者雲集酒
因大售俟其飲足削書而退

安定梁鵠後漢人官至選部尙書得師宜官法魏武重之常以鵠
書懸帳中宮殿題署多是鵠手也

陳留邯鄲曄爲魏臨淄侯文學得次仲法名在鵠後

毛弘鵠弟子今祕書八分皆傳弘法義有左子邑與曄小異亦有
名

京兆杜度爲魏齊相始有草名

安平崔瑗後漢濟北相亦善草書平持堅得摹崔瑗書王子敬云

極似張伯英。瑗子寔官至尙書，亦能草書。

弘農張芝，高尚不仕，善草書，精勁絕倫。家之衣帛，必先書而後練。臨池學書，池水盡墨。每書云：匆匆不暇草書。人謂爲草聖。弟昶，漢黃門侍郎，亦能草。今世云芝草者，多是昶作也。

姜詡，梁宣田彥和及司徒韋誕皆伯英弟子，並書草。誕書最優。誕字仲將，京兆人，善楷書。漢魏宮館寶器皆是誕手寫。魏明帝起凌雲臺，誤先釘榜而未題，以籠盛誕，輓輶長絙引之，使就榜書之。去地上二十五丈，誕甚危懼，乃擲其筆以下。焚之，仍誡子孫絕此楷法。著之家令，官至鴻臚少卿。誕子少季亦有能稱。

羅暉，趙襲不詳何許人，與伯英同時。見稱西州，而矜許自與，眾頗惑之。伯英與朱寬書自敘云：上比崔杜不足，下方羅趙有餘。趙壹、張超亦善草，不及崔、張。

晉齊王攸善草行書。

太山羊忱晉徐州刺史羊固晉臨海太守並善行書

江夏李式晉侍中善寫隸草弟定子公府能名同式

晉中書院李充母衛夫人善鍾法王逸少之師

琅邪王廙晉平南將軍荊州刺史能章楷謹傳鍾法

晉丞相王導善彙行廙從兄也

王愷晉中軍將軍會稽內史善隸書導第一子也

王洽晉中書令領軍將軍眾書通善尤能隸行從兄羲之云弟書

遂不減吾也愷弟也

王珣晉中書令善隸行洽少子也

王羲之晉右將軍會稽內史博精羣法特善草隸羊欣云古今莫

二廙兄子也

王獻之晉中書令善隸彙骨勢不若父而媚趣過之羲之弟兄立

之微之兄子消之並善草行

王允之晉衛軍將軍會稽內史亦善草行也

舒子

太原王濛晉司徒左長史能草隸子修琅邪王文學善隸行與羲之善故殆窮其妙早亡未盡其美子敬每省修書云咄咄逼人王綏晉冠軍將軍會稽內史善隸行

高平郗愔晉司空會稽內史善章草亦能隸郗超晉中書郎亦善草

愔子也

潁川庾亮晉太尉善草行庾翼晉荊州刺史善隸行時與羲之齊名

亮弟也

陳郡謝安晉太傅善隸行

高陽許靖民鎮軍參軍善隸草羲之高足

晉穆帝時有張翼善學人書寫羲之表表出經日不覺後云幾欲亂真

飛白本是宮殿題八分之輕者全用楷法吳時張弘好學不仕常

著烏巾時人號爲張烏巾此人特善飛白能書者無不好之

自著

凡六十九人法書要錄案本注六

十人今此敘僅五十七人當有誤

報檀珪書

征北板比歲處遇小優殷主簿從此府入崇禮何儀曹卽代殷亦
不見訴爲苦足下積屈一朝超升政自小難泰始初勤苦十年自
未見其賞而頓就求稱亦何可遂吾與足下素無怨憾何以相使
苦直是意有佐佑耳

南齊書王僧虔傳元徽中遷吏部尚書高平檀珪訴僧虔求祿不得與僧虔書僧虔報書

與兄子儉書

古語云中國失禮問之四夷計樂亦如符堅敗後東晉始備金石
樂故知不可全誣也北國或有遺樂誠未可便以補中夏之闕且
得知其存亡亦一理也但鼓吹舊有二十一曲今所能者十一而
己意謂北使曾有散役得今樂署一人粗別同異者充此使限雖
復延州難追其得知所知亦當不同若謂有此理者可得申吾意

上聞否試爲思之

南齊書王僧虔傳

與張緒書

孔祐敬康曾孫也行動幽祇德標松桂引爲主簿遂不可屈此古

之遺德也

南史杜京產傳

與某書

承天涼體豫復欲繕寫一賦傾遲暉采心目俱勞承閱覽祕府備
觀羣跡崔張歸美於逸少雖一代所宗僕不見前古人之跡計亦
無以過於逸少既妙盡深絕便當得之寶錄然觀前世稱目竊有
疑焉崔杜之後共推張芝仲將謂之筆聖伯玉得其筋巨山得其
骨索氏自謂其書銀鉤蠶尾談者誠得其宗劉德升爲鍾胡所師
兩賢並有肥瘦之斷元鳴獲釘壁之翫師宜致酒簡之多此亦不
能止長脗狸骨右軍以爲絕倫其功不可及由此言之而向之論
或致投杖聊呈一笑不妄言耳

法書要錄引王僧虔論書與竟陵王子良答僧虔書混爲一篇今從

榜冊祥文紀
制爲與某書

誠子書

知汝恨吾不許汝學欲自悔厲或以閹棺自期或更擇美業且得有慨亦慰窮生但亟聞斯唱未覩其實請從先師聽言觀行冀此不復虛身吾未信汝非徒然也往年有意於史取三國志聚置牀頭百日許復徒業就玄自當小差於史猶未近彷彿曼倩有云談何容易見諸玄志爲之逸腸爲之抽專一書轉讀數十家注自少至老手不釋卷尙未敢輕言汝開老子卷頭五尺許未知輔嗣何所道平叔何所說馬鄭何所異指例何所明而使盛於塵尾自呼談士此最險事設令袁令命汝言易謝中書挑汝言莊張吳興叩汝言老端可復言未嘗有邪談故如射前人得破後人應解不解卽輸貽矣且論注百氏荊州八表又才性四本聲無哀樂皆言家口實如客至之有設也汝皆未經拂耳瞞目豈有庖廚不脩而欲

延大賓者哉。就如張衡思倖造化。郭象言類懸河。不自勞苦。何由至此。汝曾未窺其題目。未辨其指歸。六十四卦。未知何名。莊子列篇。何者內外。八表所載。凡有幾家。四本之稱。以何爲長。而終日欺人人。亦不受汝欺也。由吾不學。無以爲訓。然重華無嚴父。放勳無令子。亦各由己耳。汝輩竊議。亦當云阿越不學。在天地間。可嬉戲。何忽自課譴。幸及盛時。逐歲暮。何必有所減。汝見其一耳。不全爾也。設令吾學如馬鄭。亦必甚勝。復倍不如。今亦必大減。致之有由。從身上來也。汝今壯年。自勤數倍。許勝劣及吾耳。世中比例。舉眼是汝足知。此不復具言。吾在世。雖乏德業。要復推排人間。數十許年。故是一舊物。人或以比數汝等耳。卽化之後。若自無調度。誰復知汝事者。舍中亦有少負令譽。弱冠超超清級者。於時王家門中。優者則龍鳳。劣者猶虎豹。失墜之後。豈龍虎之議。況吾不能爲汝。陰政應各自努力耳。或有身經三公。蔑爾無聞。布衣寒素。卿相屈

體或父子貴賤殊兄弟聲名異何也體盡讀數百卷書耳吾今悔無所及欲以前車誠爾後乘也汝年入立境方應從官兼有室累牽役情性何處復得下帷如王郎時邪爲可作世中學取過一生耳試復三思勿諱吾言猶揮捷志輩冀脫萬一未死之間望有成就者不知當有益否各在爾身已切身豈復關吾邪鬼唯知愛深松茂柏南齊書王僧虔傳又略見南史盜知子弟毀譽事因汝有感故略敘習懷

二十

論書

宋文帝書自云可比王子敬時議者云天然勝羊欣工夫少於欣王平南廩是右軍之叔自過江東右軍之前唯廩爲最善爲晉明帝師書爲右軍法

亡曾祖領軍洽書與右軍書俱變古形不爾至今猶法鍾張右軍云弟書遂不減吾

亡從祖中書令珉書筆力過於子敬書舊品云有四匹素絹自朝
操筆至暮便竟首尾如一又無誤字子敬戲云弟書如騎驃駉駉
恆欲度驃驃前

庾征西翼書少時與右軍齊名右軍後進庾猶不忿在荊州與都
下人書云小兒輩乃賤家雞皆學逸少書須吾還當比之張翼
張翼善學人書右軍自書表晉穆帝令翼寫題後答右軍右軍當
時不別久後方悟云小子幾欲亂真

張芝索靖章詵鍾會一衛並得名前代古今既異無以辨其優劣
唯見其筆力驚絕耳

張澄書當時亦呼有意

卻惜章草亞於右軍

晉齊王攸書京洛以爲楷法

李式書右軍云是南平之流可比庾翼王濛書亦可比庾翼

陸機書吳士書也無以校其多少

庾亮書亦能入錄

亡高祖丞相導亦甚有楷法以師鍾衛好愛無厭喪亂狼狽猶以鍾繇尚書宣示帖衣帶過江後在右軍處右軍借王敬仁敬仁死其母見脩平生所愛遂以入棺

郗超草書亞於二王緊媚過其父骨力不及也

桓立書自謂右軍之流論者未之許云可比孔琳之

謝安亦入能書錄殊亦自重乃爲子敬書稿中散詩得子敬書有時裂作校紙

羊欣王道護並親受于子敬欣書見重一時行草尤善正乃不稱孔琳之書天然放縱極有筆力規矩恐在羊欣後王道護與羊欣俱面受子敬故當在欣後

范曄與蕭思話同師羊欣范後背叛既失故步爲復小有意耳

蕭思話書全法羊欣風流趣好殆富不減而筆力恨弱。

謝靈運書乃不倫遇其合時亦得入流昔子敬上表多於中書雜事。中皆白書竊易真本相與不疑元嘉初方就索還上謝太傅殊禮表亦是其例親聞文皇說此。

謝綜書其舅云緊潔生趣實爲得賞至不重羊欣欣亦憚之書法有力恨少媚好。

顏騰之賀道力並便尺牘。

康昕學右軍草亦欲亂真與南州識道人作右軍書貨。

孔琳之書放縱快利筆道流便二王後略無其比但工夫少自任故未得盡其妙故當劣于羊欣。

謝靜謝敷並善寫經亦入能境居鍾索之美遺古流今是以征南

還有所得

案此下有闕文法書要錄誤以辱告並五紙一段及承天涼體一段混爲一篇今據書斷載竟陵王子良答

王僧虔書有子邑之紙人句定辱告一段入竟陵王集承天涼一段爲僧虔與某書梅鼎祚文紀亦如此案寶泉述書賦注云王

傳虞恭竟陵王子良書序古善書人評議無不至當本行于世其
真蹟今御史大夫黎翰得之則此論爲恭竟陵王明矣 法書要
錄舊寫本又略見南齊書王僧虔傳南
史二十二又御覽七百四十八引兩條

鍾公之書謂之盡妙鍾有三體一曰銘石書最妙者也二曰章程

書世傳祕書教小學者也三曰行押書行書是也三法皆世人所

善御覽七百四十八

張超字子竝河間人衛覬字伯儒河東人爲魏尚書僕射諡敬侯

善草及古文略盡其妙草體如傷瘦而筆跡精殺亦行于代子瓘

字伯玉晉司空太保爲楚王所害瓘采張芝草法取父書參之更

爲草葉世傳其善子恒字巨山亦能書

索靖字幼安燉煌人散騎常侍張芝之姊之孫也傳芝草而形異甚

矜其書名其字勢曰銀鉤蠶尾

韋誕字仲將京兆人善楷書漢魏宮觀題署多是誕手魏明帝起

凌雲臺先釘榜未題簡盛誕驪轡長絛引上使就榜題榜去地將

二十五丈。說危懼。誠子孫絕此楷法。又著之家令。官至大鴻臚。為飛白書。題尚書省壁。

圓行方止。物之定質。

注一作脩

之不已。則溢。高之不已。則慄。馳之不

已。則躓。引之不已。則逸。

一作選

是故去之宜疾。

南史十二

王慈

慈字伯寶。僧虔子。仕宋為祕書郎。太子舍人。入齊為安成王撫軍主簿。轉記室。遷祕書丞。司徒左西屬。右長史。試守新安太守。黃門郎。太子中庶子。領射聲校尉。安成王冠軍。豫章王司空。長史。司徒左長史。兼侍中。出為輔國將軍。豫章內史。以父憂去。起為建武將軍。吳郡太守。遷監朔將軍。大司馬長史。重除侍中。領步兵校尉。轉冠軍將軍。司徒左長史。出為東海太守。行徐州事。還為廬陵王中軍長史。未拜。永明九年卒。贈太常。諡曰懿子。

朝堂諱榜表

夫帝后之德，綢繆天地，君人之亮，蟬聯日月，至於名族不著，昭自
方策，號諭聿宣，載伊篇籍，所以魏臣據中以建議，晉主依經以下
詔，朝堂榜誌，諱字懸露，義非綿古，事殷中世，空失資敬之情，徒乖
嚴配之道，若乃武功鼎臣，贊庸元吏，或以勳崇，或由姓表，故孔惺
見銘，謂標叔舅，子孟應圖，稱題霍氏，況以處一之重，列尊名以止
仁，無二之貴，寅沖文而止敬，昔東平卽世，孝章巡宮而灑泣，新野
云終，和熹見似而流涕，感循舊類，尙或深心，別觀微跡，能無惻隱
今扁禁欽，竄動延車，蓋若使鑿駕紆覽，四時臨閱，豈不重增聖慮
用感宸衷，愚謂空標簡第，無益於匪躬，直述朝堂，益虧於夕惕，伏
惟陛下保合萬國，齊聖羣生，當刪前基之樊軌，啟皇齊之孝則，齊
書王慈傳慈以朝堂
碑榜非古舊制上表

賜進士出身二品銜廣東等處提刑按察使司按察使兼管驛傳事務副王毓藻校刊

全齊文卷八終

全齊文卷九

烏程嚴可均校輯

王儉

儉字仲寶，僧虔兄子。襲父僧綽爵豫章侯，尚陽羨公主，拜駙馬都尉，爲祕書郎、太子舍人、祕書丞、司徒右長史、義興太守，還爲黃門郎，轉吏部郎。高帝爲太尉，引爲右長史，轉左長史。齊臺建，遷右僕射，領吏部，及受禪，改封南昌縣公，轉左僕射，加侍中，領太子詹事、尚書令，左鎮軍將軍。永明初，進號衛軍將軍，領國子祭酒、丹陽尹、太子少傅。本州中正，進開府儀同三司，領中書監，卒贈太尉。謚曰文憲。有弔答儀十卷，吉書儀二卷，百家集譜十卷。元徽元年，四部書目錄四卷，今書七志七十卷，集六十卷。

和竟陵王子良高松賦

山有喬松，峻極青葱。旣抽榮於岱嶽，亦擢穎於荆峯。受靈命於后

土方虞舜以齊蹤貫四時而不改超五玉之嘉容上拂天而獨遠
下流雲而自重重陰微微漏景含暉日既升而猶晦時方中而未
晞通霄漢而隱影集鸞皇之翻飛偃佺食和而輔性墨翟昌言於
宋圍想周穆之長陂念東平之思歸若乃朔窮於紀歲亦暮止降
冰峩峩飛雪千里曄三秀而靡遺望九山其相侶翔雁哀迴於天
津振鷺驚鳴於川渚嗟萬有之必衰獨貞華之無已積皓霞而爭
光延微颺而響起

藝文類聚八十八
初學記二十八

靈丘竹賦應詔

靈丘深沈蔓竹凝陰神根合拱植幹百尋振芳條乎昆岳敷綠采
於高岑沿淮海而蔚映帶沮漳而蕭森志東南而擅美在淇澳而
流音方靈壽而均茂儀菌桂而成林若乃青春受謝九野舒榮綠
蘋齊葉白芷抽萌幹蒼蒼而特秀篠摧穎而垂英霜皦皦於原隰
木衰疏於郊阡翠葉與飛雪爭采貞柯與曾冰競鮮

藝文類聚
八十九

策齊公九錫文

天地變通、莫大乎炎涼、懸象著明、莫崇乎日月、嚴冬播氣、貞松之操、自高、光景時昏、若華之暎、彌顯、是故英睿當亂而不移、忠賢臨危而盡節、自景和昏虐、王綱弛紊、太宗受命、紹開中興、運屬屯難、四郊多壘、蕭將軍震威華戎、實資義烈、康國濟民、於是乎在、朕以不造、夙罹閔凶、嗣君失德、書契未紀、威侮五行、虔劉九縣、神狀靈繹、海水羣飛、彝器已塵、宗祧誰主、綴旒之殆、未足爲譬、豈直小宛興刺、黍離作歌而已哉、天贊皇宋、實啟明宰、爰登寡昧、纂承大業、鴻緒再維、閔基重造、高勳至德、振古絕倫、昔保衡翼殷、博陸匡漢、方斯蔑如也、今將授公典禮、其敬聽朕命、乃者袁劉構禍、寶繁有徒、子房不臣、稱兵協亂、跨蹈五湖、憑陵吳越、浮祿虧辰、沈氛晦景、桴鼓振於王畿、鋒鏑交乎天邑、顧瞻宮掖、將成茂草、言念邦國、翦爲仇讎、當此之時、人無固志、公投袂殉難、超然奮發、執金板而先

馳登寅車而戒路軍政端嚴卒乘輯睦麾鉞一臨凶黨冰泮此則
霸業之基勤王之始也安都背叛竊據徐方敢率犬羊陵虐淮汴
索兒愚悖同惡相濟天祚無象背順歸逆北鄙黔黎奄墜塗炭均
人廢職邊師告警公受命宗祏精貫朝日擁節和門氣踰霄漢破
釜之捷斬馘蔽野石梁之戰禽其渠帥保境全民江陽卽序此又
公之功也張淹迷昧弗顧本朝爰自南區志圖東夏潛軍閒入竊
覬不虞于時江服未夷皇塗荅阻公忠誠慷慨在險彌亮深識九
變妙察五色以寡制眾所向風偃朝廷無東顧之憂閩越有來蘇
之慶此又公之功也匈奴野心侵掠疆場前師失律王旅崩撓灑
血成川伏尸千里醜羯併張勢振彭泗乘勝長驅窺覲京甸冠帶
之軌將漚被髮之容行及公奉辭伐罪戒旦晨征兵車始交氛祲
時蕩弔死撫傷弘宣皇澤俾我淮肥復沾盛化此又公之功也自
茲厥後獫狁孔熾封豕長蛇重窺上國而世故相仍師出日老戰

士無臨陣之心。戎卒有懷歸之思。是以下邳精甲。望風振恐。角城
高壘。指日淪陷。公眷言王事。發憤忘食。躬擐甲冑。視險若夷。短兵
纔接。巨猾鳥散。分疆畫界。開創青兗。此又公之功也。泰始之末。入
參禁旅。任兼軍國。事同顧命。桂陽負眾。輕問九鼎。裂冠毀冕。拔本
塞源。入兵萬乘之國。頓戟象魏之下。烈火焚於王城。飛矢集乎君
屋。機變倏忽。終古莫二。羣后憂惶。元戎無主。公按劍凝神。則奇謀
貫世。秉旄指麾。則懦夫成勇。曾不崇朝。新亭獻捷。信宿之間。宣陽
底定。雲霧廓清。區宇康乂。此又公之功也。皇室多難。疊起威蕃。邗
晉應韓。翻爲讐敵。建平失圖。興兵內侮。公又指授六師。義形乎色。
役未踰旬。朱方寧晏。此又公之功也。蒼梧肆虐。諸夏糜沸。淫刑以
逞。誰則無罪。火災崑岡。玉石俱焚。黔首相悲。朝不謀夕。高祖之業
已淪。大明之軌誰嗣。公遠稽殷漢之義。近遵魏晉之典。猥以眇身。
入奉宗廟。七廟清謐。九區反政。此又公之功也。袁粲無質。劉秉攜

貳、韜述相扇、成此亂階、醜圖潛構、危機竊發、據有石頭、志犯應路、公神謀內運、霜鋒外舉、妖沴載澄、國塗悅穆、此又公之功也、沈攸之、苞禍歲月、湛彰蜂目、豺聲阻兵、安忍哀彼荆漢、獨爲匪民、乃眷西顧、緬同異域、而經綸維始、九伐未申、長惡不悛、遂逞凶逆、睚眦回、勢遏虓虎、朝野憂疑、三軍沮氣、公秉鉞出關、凝威江甸、正情與皦、日同亮、明略與秋雲、競爽至義所感、人百其心、鼙鼓一麾、夏首寧謐、雲梯未舉、魯山尅定、積年通誅、一朝顯戮、沮浦安流、章臺順軌、此又公之功也、公有濟天下之勳、重之以明哲、道庇生民、志匡宇宙、戮力肆心、劬勞王室、自東徂西、靡有寧晏、險阻艱難、備嘗之矣、若乃締構宗稷之勤、造物資始之澤、雲布霧散、光被六幽、弼予一人、永清四海、是以秬草騰芳於郊園、景星垂暉於清漢、遐方款關而慕義、荒服重譯而來庭、汪哉邈乎、無得而名焉、朕聞酬庸表德、前王盛典、崇樹侯伯、有國攸同、所以文命成功、玄珪顯錫、姬

日秉哲曲阜啟蕃或改玉以弘風或胙土以宣化禮絕常班寵冠羣辟爰逮桓文車服異數惟公勳業超於先烈而褒賞闕於舊章古今之道何其爽歟靜言欽歎良有缺然今進授相國以青州之齊郡徐州之梁郡南徐州之蘭陵魯郡琅邪東海晉陵義興揚州之吳郡會稽凡十郡封公爲齊公錫茲玄土其以白茅定爾邦家用建冢社斯實尚父故藩世作盟主紀綱侯甸率由舊則往者周召建國師保兼任毛畢執珪入作卿士內外之寵同規在昔今命使持節兼太尉侍中中書監司空衛將軍零都縣開國侯淵授公相國印綬齊公璽紱持節兼司空守尚書令偕虔授齊公茅土金虎符第一至第五左竹使符第一至第十左相國位總百辟秩踰三事職以禮移號隨事革其以相國總百揆去錄尚書之稱送所假節侍中貂蟬中外都督太尉太尉印綬竟陵公印策其驃騎大將軍揚州牧南徐州刺史如故又加公九錫其敬聽後命以公執

禮弘律儀形區宇遐邇一體人無異業是用錫公大輅戎輅各一
玄牡二駟公崇修南畝所寶惟穀王府充實百姓繁衍是用錫公
衮冕之服赤舄副焉公居身以謙導物以義銘鈞庶品罔不和悅
是用錫公軒縣之樂六佾之儔公翼贊王猷聲教遠洽蠻夷竭歡
回首內附是用錫公朱戶以居公明鑒人倫澄辨涇渭官方與能
英乂克舉是用錫公納陛以登公保佑皇朝厲身化下杜漸防萌
含生夤式是用錫公虎賁之士三百人公禦寇以刑禦姦以德君
親無將將而必誅是用錫公鈇鉞各一公鳳舉四維龍騫八表威
靈所振異域同文南史作異類同又是用錫公彤弓一彤矢百旅弓十旅
矢千公明發載懷肅恭禋祀孝敬之重義感靈祇是用錫公秬鬯
一卣珪瓚副焉齊國置丞相以下一遵舊式往欽哉其祇服朕命
經緯乾坤宏亮洪業茂昭爾大德闡揚我高祖之休命南齊書高帝紀上策

王儉傳云詔策皆出於儉
淵唯爲禪詔文又見南史四

策命齊王

伊太古初陳萬物紛綸開耀靈以鑑品物立元后以馭蒸人若夫
容成大庭之世必羲五龍之辰靡得而詳焉自軒黃以降墳素所
紀略可言者其崇乎堯舜披金繩而握天鏡開玉匣而總地維德
之休明宸居靈極期運有終歸禪與能所以大唐遜位謨然興歌
有虞揖讓卿雲發采亮符命之攸臻坦至公以成務懷生載澤靈
祇効祉遺風餘烈光被無垠漢魏因循弗敢失墜爰逮晉氏亦遵
前儀惟我祖宗英猷勳格幽顯從天人而齊七政凝至德而撫四
維末葉不造仍世多故日蝕星隕山淪川竭惟王聖哲淵明榮鏡
宇宙體望日之威資就雲之澤臨下以簡御眾以寬仁育羣生義
征不譖國塗稭阻弘五慮而又寧皇緒將溷秉六術以匡濟及至
權臣內侮蕃屏陵上兵革雲翔萬邦震駭裁之以武風綏之以文
化遐邇清夷表裏肅穆戢珣戈而事黼黻委旌門而恭儒館聲化

遠泊荒服無塵殊類同規華戎一揆是以五光來儀於軒庭九穗
含芳於郊牧象緯昭澈布新之符已顯圖讖彪炳受終之義既彰
靈祇乃眷兆民引領朕聞至道深微惟人是弘天命無常惟德是
與所以仰鑒玄情俯察羣望敬禪神器授帝位于爾躬四海困窮
天祿永終於戲王其允執厥中儀刑前式以副率土之欣望命司
裘而謁蒼昊奏雲門而升圓丘時膺大禮永保洪業豈不盛歟

書高帝紀上
又見南史四

再命靈書

皇帝敬問相國齊王大道之行與三代之英朕雖闇昧而有志焉
夫昏明相襲替景之恆度春秋遞運時歲之常序求諸天數猶且
隆替矧伊在人能無終訃是故勛華弘風於上業漢魏垂式於後
昆昔我高祖欽明文思振民育德皇靈眷命奄有四海晚世多難
姦冗實繁鼓鼓宵聞元戎旦警億兆夷人肢處靡厝加以嗣君荒

怠敷虐萬方神鼎將遷寶策無主實賴英聖匡濟艱危惟王體天
則地含弘光大明並日月惠均雲雨國步斯梗則稜威外發王猷
不造則淵謨內昭重構閭吳再寧淮濟靜九江之洪波卷海沂之
氛沴放斥凶昧存我宗祀舊物惟新三光改照逮至寵臣裂冠則
裁以廟略荆漢反噬則震以雷霆麾旆所臨風行草靡神算所指
龍舉雲屬諸夏廓清戎翟思越興文偃武闡揚洪烈明保冲昧朝
翔禮樂之場撫柔黔首咸躋仁壽之域自霜露所墜星辰所經正
朔不通人跡罕至者莫不踰山越海北面稱蕃款關重譯修其職
貢是以禎祥發采左史載其奇玄象垂文保章審其度鳳書表肆
類之運龍圖顯班瑞之期重以珠衡日角神姿特挺君人之義在
事必彰書不云乎皇天無親惟德是輔民心無常惟惠之懷神祇
之眷如彼蒼生之願如此笙管變聲鍾石改調朕所以擁璇持衡
傾佇明哲昔金德既淪而傳祚於我有宋厯數告終實在茲日亦

以水德而傳於齊、式遵前典、廣詢羣議、王公卿士咸曰：惟宜。今遣使持節兼太保侍中、中書監、司空、衛將軍、零都縣侯、淵兼太尉、守尚書令、僧虔奉皇帝璽綬受終之禮。一依唐虞故事。王其允副幽明。時登元后、寵綏八表、以酬昊天之休命。南齊書高帝紀上

拜儀同三司章

臣聞日中則昃、盈虛之定分、器滿必傾、往復之恆理、遂乃班同衮章、變和台曜、外參論道、內總百司、物議惟塵、自識非據。魏文類聚四十七御覽二百

四十三

讓左僕射表

待臣於常均之外、跼臣於代僚之右、親乖其章、乘非其器、霸府方隆、超居元佐、國朝草昧、參贊百揆。魏文類聚四十八

諫起宣陽門表

臣聞德者身之基、儉者德之興、春臺將立、晉卿秉議、北宮肇構、漢

臣盡規彼二君者或列國常侯或守文中主尚使諫諍在義卽悅
況陛下聖哲應期臣等職司隆重敢籍前誥竊乃有心陛下登庸
宰物節省之教既昭龍衮琤極簡約之訓彌遠乾華外構采椽不
斲紫極故材爲宣陽門臣等未譬也夫移心疾於股肱非良醫之
美畏影迹而馳驚豈靜處之方且又三農在日千畛成事輟望歲
之勤興土木之役非所以宜昭大猷先示遐邇若以門居宮南重
陽所屬年月稍久漸就淪胥自可隨宜修理而合度改作之煩於
是乎息所啟謬合請付外施行南齊書王儉傳建元元年壞宋明
帝紫極殿以材柱起宣陽門儉與

褚淵及叔父僧
虔連名上表諫

請解領選表

臣遠尋終古近察身事邀恩幸藉未見其倫何者子房之遇漢后
公達之逢魏君史籍以爲美談君子稱其高義二臣才堪王佐理
非曲私兩主專仗威武有傷寬裕豈與庸流之人憑含弘之澤者

同年而語哉。預在有心。胡寧無感。如使傾宗殞元。有益塵露。猶當畢志驅馳。仰酬萬一。豈容稍在形餽。以徇常事。九流任要。風猷所先。王石朱素。由斯而定。臣亦不謂文案之間。都無微解。至於品裁臧否。特所未聞。雖存自量。識不副意。兼竊而任。彼此俱壅。專情本官。庶幾髣髴。且前代掌選。未必具在。代來何爲。於今非臣不可。傾心奉國。匪復退讓之與。預同休戚。寧俟位任爲親。陛下若不以此理賜期。豈仰望於殊眷。頻目嚴威。分甘尤戾。

南齊書
王儉傳

又求解選表

臣比年辭選。具簡天朝。款言彰於侍接。丹誠布於朝野。物議不以爲非。聖心未垂矜納。臣間知慧不如明時。求之微躬。實允斯義。妄庸之人。沈浮無取。命偶休泰。遂踐康衢。秋葉辭條。不假風颭之力。太陽躋景。無俟螢燭之暉。晦往明來。五德遞運。聖不獨治。八元亮采。臣逢其時。而叨其位。常總端右。亟管銓衡。事涉兩朝。歲綿一紀。

盛年已老孫孺巾冠人物徂遷逝者將半三考無間九流寂寞能
官之詠輟譽於當時大車之刺方興以來日若夫珥貂衣袞之貴
四輔六教之華誠知匪服職務差簡端揆雖重猶可勉勵至於品
藻之任尤懼其阻夙宵罄竭屢試無庸歲月之久近世罕比非唯
悔吝在身故乃惟塵及國方今多士盈朝羣才競爽選眾而授古
亦何人冒陳微翰必希天照至敬無文不敢煩黷

前齊書
王儉傳

奏勸受禪

被宋詔遜位臣等參議宜尅日輿駕受禪撰立儀注

南齊書高
帝紀上

賜進士出身一品銜廣東等處提刑按察使司按察使兼管驛傳事務黃岡王毓藻校刊